



Rasulo be Email

William Nye  
Sekerter  
Shahar Waheed 2022

Akwana Ma Akwat Tai Fi Yesua

### **Oburshia Ta Canterbury: Teriga Ta Iktaru Lejna Ta Azelu Reyis Ta Matarina**

Ana ge Katibu le itakum ashan asalu fekra takum kan fi tegyier almumken be amulu fi teriga ta iktaru zol ale be ja geni fi maktab ta Archibishop (Reyis Matarina) ta Canterbury (ABC) fi mustagbal. ashan Archbishop ta Canterbury de zol kabir ale muswoul fi kenesa ta Engliz, wa endu shokolat ketir fi kenesa ma mojtama ta Engliz kulu, wu Kaman ma Anglican Communion (Tayifa Alanglicania), wu kaman shokol ma nas ale mesihien al kobarin fi donia kulu. Fi kenisa ta Engliz, Archbishop ta Canterbury (ABC) de Mutran ale kabir owu kaman de Mutran al musoul fi oburshia ta Canterbury, lakin kan anina ayinu fi mujtama kulu, Archbishop ta Canterbury (ABC) de Reyis ta kenisa ta Engliz, owu Kaman sot ta kenisa, lakin fi Anglican Communion (Tayifa Alanglicania) Archbishop ta Canterbury (ABC) de yawu Kaman Reyis Matarina ta kulu primates fi tayifa al anglicania, wu Kaman wahid min nas ale bijibo musharaka ma wehda ma badun. Ze ma ana wunuso ino Reyis ta Matarina de yawu mutran ta oburshia ta Canterbury fi kenesa ta Engliz, de yawu nefsa teriga ali gi iktaru matarina ta oburshia ta Engliz, uwo de bekun be teriga ta kaweno lejna ta iktaru zol fi korese de, de yawu sabab al ana ge katibo le itakum fi yom ta alela.

Ana gi katibo be nyaba ta Mejlis Ta Archbishops ta kenesa ta Engliz, ashan de yawu fekra ale uomon wede ashan be kon fi tegyier fi udowia ta lejna ta iktaru zol al be ja gene fi korese de (CNC) fi Oburshia ta Canterbury. Fekra de ja min ijtema ta mejlis ta oburshia ta Canterbury ale uomon asalu Mejlis Ta Archbishops ashan ke de amulu tegyier fi udowia ta lejna ta iktaru zol al be ja gene fi korese de (CNC), ashan kede nagisu adad ta nas al ge mesilu oburshia ta Canterbury. fekra ta tegyier de ashan azu zido adad ta nas al ge mesilu tayifa ta angelicania (Anglican Communion). kan besit kede nesiba de wosulu 75% min tejah ta Junub ta Engliz Kulu, ashan fi Canterbury CNC al futu, kulu al mosharkin kan mesilu bi Reyis Matarina ta Wales.

Ze kulu Matarina ta Engliz, ale uomon endu tarikh ma beled ta Engliz, ashan kida Reyis Ta Matarina de zol ale be iktaru resmi be Melika ta Engliz ma raya al ge wedi min Reyis Ta Wuzara ta beled ta Engliz. Ze ma intum be arufo kan deru iktaru Matarina Ta obourshia, Lejna ta Iktaru Reyis Ta Matarina (CNC) be gene wu be azilu nas ale munasibin wa bi wede tawsia le Reyis Ta Wuzara Ta Engliz. Lejna ta iktaru Reyis Ta Matarina (CNC) ta Canterbury ge kewino be nefsu teriga ta iktaru mutran ta obourshia(CNC) ta Kenisa ta Engliz, Lakin bes fi ferig besit. Ze ma itakum ge agara waraga de, itakum be ja ligo tefsir ketir wa de bekun fayda le itakum.


Al fekra ta waraga de ashan be hilu mushkila ta obourshia ta Canterbury ale uomon wonusu gali nas ta obourshia al gi mesilu uomon de ketir shedid, Kaman lanu fe muosuliat tani ketir wedi le Reyis Ta Matarina. Wu fekra de wedi ashan be hilu muskila ale fi de, ashan fe derasa wa tahlil amulu min sabi'hat wa Mijelis ta Rowasa Ta Matarina ma ReyisTa Matarina ta Canterbury. Asalu badun fi fekra de owu muhim ashan anina be fahimu mushkila al guwi de, wa Kaman lou fi aye tegyier de bija saiedu bi teriga al kuwies fi iktaru Reyis ta Matarina ta Canterbury fi Mustagbal. anina be geyimu raya takum Kaman.

Ana ge fekir gale waraga ta asalu badun de wadih bi agider fahimu. Waraga de rasulu le sabi'hat ale muhimien ma hajat kulu, ana barifu gali fi nas min itakum be fahim juzor ta mushkila de, wuo Kaman fi nas ma bi fahim, Kaman ana der wunosu gale fi nas be agra waraga de wa be fahim bagi kalamat lakin bagi nas ma be ja fahimu lanu kalamat de ma maruf wu Kaman lanu kalamat de ta mahal ketir ta kenisa ta Engliz. Ashan keda inena dakalu malumat ketir ale muhim fi nihaya ta waraga de. Malish kan waraga de tewil lakin ouw be weri malumat kifaya, ashan keda ke de itakum endu sabar ta agra waraga de kulo le nehaya.

Ana asalu sabihat taki ta shokol ashan uomon be rasulu waraga de le inta. uomon be kun farhanin kan fi sual, lakin ke de ita dogo telephon le ana aw le sekerter tai Elise Sandham, ze ma anina ge wunosu nyaba ta Majelis ta Reyis Ta Matarina. kan ita endu sowal rasulu le ana fi email de:

[canterburycnc.consultation@churchofengland.org](mailto:canterburycnc.consultation@churchofengland.org)

Ana ma Lejna ta Mejelis ta Reyis ta Matarina be shukuru itakum ashan itakum agara fekra ta waraga de, Kaman anina der asuma min itakum fi zaman al munasib, fetra de sibu lehadi **31<sup>st</sup> March 2022**



William Nye LVO

Sekerter al'am, Mejelis ta Reyis ta Matarina

## Oburshia Ta Canterbury: Teriga Ta Iktaru Lejna Ta Azelo Archbishop (Reyis Ta Matarina)

### Waraga Ta Asalu Fekra

#### Kalam Ta Bidaya ma Maluoma Al Muhim

1. Archbishop ta Canterbury (ABC awu Reyis ta Matarina) de zol kabir al muswoul ale endu shokolat ketir fi kenesa ta beled ta Engliz, wa shokolat ma mojtama ta Engliz kulu, wu Kaman ma Anglican Communion (Tayifa Alanglicania), wu kaman shokol ma mesihien al kobarin fi donia kulu. Fi kenisa ta Engliz, Archbishop ta Canterbury (ABC) de bishop al kebir owu kaman de Mutran al muswoul fi oburshia ta Canterbury, lakin kan anina ayinu fi community kulu Archbishop ta Canterbury (ABC) de Reyis ta kenisa ta Engliz, owu Kaman de sot ta kenisa, lakin fi Anglican Communion (Tayifa Alanglicania) Archbishop ta Canterbury (ABC) de yawu Kaman Reyis ta Matarina ta kulu primates ta tayifa al anglicania, owu Kaman wahed min nas al bijibo musharaka ma wehda ma badon. Ze ma ana wunusu ino Reyis ta Matarina de yawu Mutran ta Oburshia ta Canterbury fi kenesa ta Engliz, de yawu nefsa teriga ale ge iktaru Matarina ta Oburshia ta Engliz, uwo de bekun be teriga ta kaweno lejna ta iktaru zol fi korese de,
2. Ze kulu Matarina ta Engliz, ale uwmon endu tarikh ma beled ta Engliz, ashan kida Reyis Ta Matarina de zol al be iktaru resmi be Melika ta Engliz ma raya al ge wedi min Reyis Ta Wuzara ta beled ta Engliz. Ze ma intum be arufo kan deru iktaru Matarina Ta Obourshia, Lejna ta Iktaru Reyis Ta Matarina (CNC) be gene wu be azilu nas al munasibien wa be wede tawsia le Reyis Ta Wuzara Ta Engliz. Lejna ta iktaru Reyis Ta Matarina (CNC) ta Canterbury ge kewino be nefsu teriga ta iktaru mutran ta obourshia (CNC) ta Kenisa ta Engliz, Lakin bes fi ferig besit.
3. Mijelis ta Ruwasa Ta Matarina ta kenisa ta Engliz uwmon amulu tegyierat fi nas ale be iktaru fi lejna ta iktaru Archibishop, lanu fi juwab katibu min obourshia ta Canterbury fi 2015. Waraga de rasulu wekit nas ta lejna ta mejelis ma nas ale ge ishtakal inak umon gene ma badun, wu asaulu badun fi tegyier ale bi yagder amulu ashan ke de jibu nas kiter al be miselu tayifa anglicana (Anglican Communion)
4. Waraga ta asalu badun de amulu be sekreter ta Majelis ta Rowasa Ta Matarina ale isim tu Willim Nye ma sekerter al khas ta'wu ale isim tau Elise Sandham be niyaba ta oudwia ta Ruwasa ta Mejelis ta Kenisa ta Engliz. Eza ita azu wunusu ma anina aw ita der rudu reseme fi kalam de ke de ita rasulu le Elise Sandham fi email de: [canterburycnc.consultation@churchofengland.org](mailto:canterburycnc.consultation@churchofengland.org)
5. Asalu badun katibu fi fagra 30 wa 31. Wu ke de ita arifu ino fi form inta bi mala wu inta be rejau fi email ale weri fi awel. Asalu badun de be intaha fi yom **31<sup>st</sup> March 2022**. Wu ke de ita arifu gale kan ita rasulu fekra taki badu yom de ma be ja rudu be Mejelis ta ruwasa ta Matarina wu be weri ze grarat.

## Shikil ta fekra

6. Warag ta asalu badun de amulu mini hajat de:
  - a. juzu mini tarikh ma hajat ta zaman ta nas de;
  - b. kalam ta gadaya al ge gedimu
  - c. halilu kalam, ma hajat ta lahut ma kenisa
  - d. fekra ta geiru hajat
  - e. weri shekil ta barnamj de ma jedwel tawu; ma,
  - f. Jawab asalu badun.
7. Ke'de ita arifu gali fagra (f) de amulu ashan ita be jawabu swalat de, wu ita be rasulu umon fi nihaya ta waraga ta asalu badun de, fagra de katibu be waraga wu be agider malawu wu rasulu wara fi email ta asalu badun
8. Annex A (safha nimer 13 mini waraga de) be weri bagi malumat almuhim be saiedu ita kan ita der uwo, alama ta \*(Nejma) de gi weri gali kalam de ge weri be teriga ketir awu ge zedu maluma de, alama ta \* be istakhdimu kan fi kalam jedid ma istakhdimu gubal keda
9. Kaman fi muzekra ta hafizu malumat ta nas, fi waraga ta asalu badun de, azu shilu b'wu malumat al besit ta nas. Ashan kalam de nena wede mahal fadi fi (safha 22 mini waraga de) be weri kaif be limu malumat de ashan be wede gidam wa be salau, wu Kaman anina bi wunusu gali hasa ita arifu temirin de ashan keda inena ge ruwa shilu fekra taki.

William Nye LVO  
 Sekerter al Alam, Mejlis ta reysis ta Matarina  
 Shahar Wahid 2022

## **Oburshia Ta Canterbury: Teriga Ta Iktaru Lejna Ta Azilu Zol Fi Korese Ta Archbishop (Reyis Ta Matarina)**

### **Waraga Ta Asalu Fekra**

#### **Tarikh Alwara ma Zaman ta'wu**

1. Ze ma inena katibu gali, Archbishop ta Canterbury\* (ABC) de bishop al kebir owu kaman mutran al muswoul fi kenesa ta Engliz\*, Kaman owu yawu Reyis ta Matarina ta kulu primates\* ta 42 mujama (Provinces) ta Anglican Communion (ta tayifa al anglicania), owu ze kulu Matarina ta Engliz, ale uwmon endu tarikh ma beled ta Engliz, ashan kida Reyis Ta Matarina de zol al be iktaru reseme be Melika ta Engliz ma raya al ge wedi min Reyis Ta Wuzara ta beled ta Engliz. Ze ma intum arifu gali kan deru iktaru Matarina Ta obourshia, Lejna ta Iktaru Reyis Ta Matarina\* (CNC) bi gene wu be azilu nas al munasibien wa bi wede tawsia le Reyis Ta Wuzara Ta Engliz. Lejna ta iktaru Reyis ta Matarina (CNC) ta Canterbury ge kewinu be nefsu teriga ta iktaru mutran ta obourshia(CNC) ta Kenisa ta Engliz, Lakin bes fi ferig besit.
2. Fi 2015, Synod\* ta Oburshai ta Canterbury owu asalu Mejlis ta Ruwasa Ta Matarina ashan uwmon ke'de amulu tegyir fi nas ale be ja azilu fi lejna ta iktaru Archibishop ta Canterbury\* (CNC), wa Kaman ke'de zidu musolia ta CNC ashan uwmon be azilu nas le oburshia ta Dover\* lanu fekra de ja mini Oburshia ta Canterbury ashan ke'de kun fi wezin fi lejna ta iktaru Reyis ta Matarina, wu be teriga de, be wede wozen le shokol ta Archipshop ta Canterbury fi kenesa ta Anglican Communion)
3. Mejlis ta Archibishops ayinu mushkila de fi shahar Tisa, kalam de kan badi nihaya ta muraja ta Lahut ale katibu be Professor Oliver O'Donovas fi munasaba ta iktaru reyis ta matarina ta Canterbury. Ashan keda Mejlis ayinu kalam de owu gali be ja hilu awel haja badi Mu'tamar Lambeth\* fi sena 2020, lakin Mutamar de ajilu le sena 2022
4. Ze ma Reyis ta Matarina ta Canterbury, Justin Welby shejau fekra de, ashan keda Mejlis ta Rowasa ta Matarina ayinu mushkila de tani fi shahar Tisa 2021, wu uwmon tala be fekra ta asalu bagi sabihat al muhimien ta Anglican communion fi fekra de.

#### **Weri Mashakilat Ale Fi.**

5. Fi sena 2015 synod ta oburshia ta Canterbury\* uwmon wafik fi fekra\* de:

*"fi synod de (Synod ta Oburshai ta Canterbury) asalu Mejlis ta Rowasa Ta Matarina ashan ke'de uwmon jibu fi ijtima al kebir ta synod hajat al muhim ale deru geyiru fi talimat al mustamir, ma mahal al fadi fi lejna ta oburshia\* de ma ganun ale fi ashan: -*

- *Be zidu shokol ta lejna ta iktaru Reyis ta Matarina, ashan uwmon be ayinu kan fi mahal fadi fi oburshia ta Mutran ma oburshia ta Dover. ashan nas ta Canterbury be wodi sot ta'mun le nas ale wodi sot al ketir le Mutran ta Dover aljedid.*
- *Nagisu adad ta nas al iktaru le shokol ta lejna kan fi mahal fadi fi oburshia ta Canterbury mini sita le talata''*

6. CNC ta Canterbury ta hasa de kewinu mini adad ta nas de: -

- (6) sita nas ta lejna ta center ale be iktaru be synod alkabir (ze ta kulu mara);
- (6) Sita nas ta lejna ta canterbury ale be iktaru mini khana al fadi fi lejna (ze ta kulu mara fi bagi oburshiat ale fi);
- (2) Etinen Matarina (wahid mini Matarina de ke'de kun Mutarn ta York kan huwa aw hia ma iktaru le lejna lakin huwo/hia deru kun mini nas ta lejna)
- (1) Wahid zol ke'de iktaru be Reyis ta Wozara ashan ke'de gene reyis ta lejna (wu zol de lazim ke'de kun zol ale ma resemu wu zol de ke'de gene mini kenesa ta Engliz) wu
- (1) Wahid zol mini ijtimia ta Primates ta Anglican Communion (wu zol de be ja iktaru be lejna ale dayimien ta Primates ma Mejelis ta Mushawara ta Anglican communion)

Aker etinen khana (d wa e) be ja wede le nas ta CNC ashan oburshia ta Canterbury. Lakin bagi 14 nas ta lejna (a-c), be sibu le shokol ale khas ta Mutran ta York) wu de be kun be nefsu teriga al fi CNC ta oburshiat ale tanin.

7. Kaman fi talata nas ta lejna ale ma be wede sot ta tomon. Sekertariat ta Reyis ta Wuzara ma Sekertariat ta Matarina ta azilu nas\* wu umon be hadiru ze kulu mara. kaman sekertar al 'am ta Anglican Communion (Tayifa ta Anglicania) owu behadiru ijtimia de lakin ma be wede sot ta ta'wu.
8. Ashan keda lejna ta CNC ta Canterbury al be wede sot ta tomon kweno mini adad ta nas de:
  - (9) tisa nas al be miselu maslaha al 'am ta kensa ta Engliz;
  - (6) sita nas al be miselu oburshia ta Canterbury; wa
  - Zol wahid al be miselu Anglican Communion (Tayifa Anglicania).
 (Fi 2012 zol al mesilu Anglican Communion (Tayifa Anglicania) de kan Primates ta Wales, Archbishop Barry Morgan.)  
**Adad ta nas kulu 16 wu de nas ta lejna ale be wede sot ta ta'umon**

9. Fikera ta Canterbury ashan ke'de nagisu adad ta nas ale ge ja mesilu oburshia ta Canterbury mini sita nas le talata nas, lakin uwmon ma wede aye fekra tani fe teriga ale ge mesilu Anglican Communion.

### Halilu Fekra de

10. Ley anina deru geyiru fi teriga ta azilu lejna ta Canterbury CNC? Juwab ta sowal de be lemesu hajat ta hagiga wa hajat ta siyasa ma hajat ta lahut.
11. Kan fe hagiga, musolia ta Mutran ta Canterbury endu shokolat ketir ge rowa ma badun: nemira wahid uwo **Primates ta Engliz kulu\*** ma fekra al arifu fi beled kulu ma kenesa gali **Primates ta Engliz** de reyis ta kenesa ta Engliz, Kaman

- endu musolia fi mujtama ta Engliz kulu; Kaman uwo **Mutran ta Oburshia ta Canterbury**, ale ge sayidu ma mutran ta Dover; Kaman uwo **zol ale be jibu wehida** \* wa Kaman **bejibo musharaka** ma badun fi **Angican Community**
12. Musolia ale Canterbury CNC al wede fi 2012 gali nisba ta 20% mini shokolat de ke'de amulu fi Anglican communion, lakin Reyis ta Matarina Justin ge ayinu gali nesba ta 20% de ma hagiga, nesiba al hagiga uwo 25% zidu Kaman zaman ta ayinu abonat ma zaman ta sayidu nas, Kaman wunusu gali uwo ge wede bes 5% mini zaman ta'wu fi shokolat ta oburshia.
  13. Muhim ke nina arifu gali mosuliat tanin ta Reyis ta Matarina ge limu ma mosluia ta musharaka wu kaman ma sot ta'wu fi beled. Mushkilat al ge ligo fi kulu makan ze mushkila ta hafezu environment (Be'ya), mushkila ta rahalu nas be teriga al ma nesia, mushkila ta saha ze (HIV, Corona etc) de haja deru musharaka mini mujtama, wu de azu gurush, Kaman musharaka ta Reyis ta Matarina be saiedu fi derisu hajat mini kenesat ale ge raba wu kenesa ale gowi.
  14. Fekra ta musharaka ta Anglican communion fi donia kulu owu muhim le kenesa ta Engliz. Ashan keda anina be ayinu gali adad ta nas al ge miselu CNC ma ge rewa ma ta'biya ta shokol tu'mon.
  15. Nimra Etinen, fi tarikh ijte'mae wa syasi lazim ke'de nas kutu fi ras, Musolia ta kenesa ta Engliz fi Angelican Communion bada mini bediri fi beled ta Engliz mini tarikh ta Istimar. Wu juzur de ma wahid wele besit, lakin kan anina ayinu fi beled tanin ma donia kulu fi nas ge fetishu teriga al kweis ashan nas be amulu elakat le mustawa ta donia kulu, wu de futu teriga ta elaka ta ahal. kenesa ta Engliz ma Anglican Communion ma be agyider jere mini sowal ale ge wonusu gali zol ta din ta Engliz de zol ale lazim bikun mini nas al kubarin.
  16. De ma fekra ta Kenesa ta Engliz ashan uwo be geyiru kalam de mini tijah tumon barau, wu de ma teriga al sah. Lakin de sowal le nas ta Anglican communion kulu ashan nas be hilu be musada ta badun. Yatu haja ale kenesa ta Engliz be agyider wedi, kenesa ta Engliz be arifu nefsa tumon bes, lakin hasa uwmon deriu amulu hajat tumon be teriga ta adala le nas kulu. Menkin nas be ayinu gali de khatwa sukier wu de khatwa al awel lakin ashan geyiru lejna ta CNC de haja muhim fi musharaka ta Anglican communion, wu de be sibu kedi nas ishtakal ma badun wu Kaman be nadi badun kan deru azilu zol, wu de teriga ale mustamiir ta salahu haya ta nas ma badun, wu de teriga ta adala ma ayinu badun sawa sawa gidam rabuna.
  17. Haja ale akir, wu de haja muhim, ke'de nas arifu gali fi sabab ale ge ja mini kenesa (bible), wu de endu elaka ma hajat al fi de, ma hajat ta community ma hajat ta syasa, ke de nas arifu gali kenesa nadi ashan ke'de gene kenesa al nedif wu kenesa ale wahid be limu nas kulu sawa. wu de wahid mini hajat al kenesa ge ligo: kef anina be kasuru hajat al ge wegif fi khidma ale yesua wede le nina, Hajat al ge wegif le nas ze; hibu nas ta gebila taki, culture(sagafa), gesimu badun, ma hajat al ge weri zol de mini wen. Rabuna nadi nas kulu ke'de ayinu badun ze nas ale khalagu fi sora ta Rabuna wu de bekun fi elaka tanin ma nas wu fi nizam. Hajat de ge weri gale; nas ma sawa sawa wu ma fi gadasa. Kenesa nadi ashan ke'de bada fekiru fi teriga al be sibu hajat al kaab fi tarikh ale nina ligo wu ke'de nas fetisu teriga jedid ta gene ma badun.
  18. Haya ta insan ma haya ta kenesa de haya al hagiga wu haya ta saiedu badun; sora de kebir anina ma ge ayinu lakin ke'de nena bada mini makan tani, sala

kan anina ma arifu be badau mini wen. Ke'de nas bada be fekra ta kweno CNC wu de fekra ale kenesa ta Engliz ge wedi be nezilu gisim.

19. Ashan keda hagiga ke'de nina arifu zidu adad ta nas ale ge mesilu oburshia de khatwa muhim le nas tanin, lakin le bagi nas ma muhim ketir. Wu kaman le nas ale ge agara warage de, de bekun teriga ta akir hal, aw kaman uwmon be wede fekra ta geyiru teriga ta iktaru lejna ta CNC al kan amulu be kenesa ta Engliz ashan de ge weri hajat ma wezin tumon. Wu ke'de nina fahimu gali Canterbury lesa huwu juzu mini kenesa ta Engliz ashan ke'de huwu naja fi arfa mustawa ta nas wu Kaman fi beled kulu ma teriga ta kutu zol fi koresi wu de le kulu CNCs. Teriga ta nazimu CNC lesa awzu ashan be salau hajat ale deru ta kenesa ta Engliz ma beled.
20. Ashan be bada hilu hajat al fi Anglican communion, fe nihaya lazim ke'de nas arifu haja almuhim de; nas ale agealibu gelba wa amulu elakat al kwies fi kenesa be futu abinu kenesa.

### **Fekra ta geyiru lejna ta Canterbury CNC**

21. Rowasa ta Mejlis endu fekra le gayiru lejna ta iktaru zol fi oburshia ta Canterbury:
  - a. **(9) tesa** nas ale ge mesilu **maslah ta beled ta kenesa ta Engliz**;
  - b. **(3) Talata** nas ale ge mesilu **oburshia ta Canterbury**; ma
  - c. **(5) kamsa** nas ale ge mesilu **Anglican Communion**.
22. De ge nagisu adad ta nas ale ge mesilu oburshia ta Canterbury le 3 nas, ma zidu adad ta nas ta Anglican communion le 4 nas. **De be zidu adad ta nas ale be wede sot tumon le 17 nas.**
23. Inta be ja lahizu, fekra de ma bes be nagisu adad ta nas ta oburshia ta Canterbury le 3 wa be zidu nas ta Anglican communion le 3. **Lakin fekra de ashan ke'de zidu adad ta nas ale ge mesilu Anglican Communion le 4.** Fekra de ja ashan be zidu adad ta Anglican Communion fi lejna ta CNC lanu kan zidu nas ale ge mesilu Anglican Communion be ja kun fe forsa le nas tanin mini mahal barau barau mini Anglican Communion.
24. Ashan Fekra de, Kaman fi fikrat tanin ge wedi le nas ale ge ruwa mesilu Anglican Communion:
 

Fi 5 nas ale ge mesilu **Anglican Communion hasab makan ta tumon\*** wu de bara mini 4 (arba) mujama ta jezira ta Engliz.

  - a. Fi nas ale ge mesilu **Primates, ma mumonien ma nas al ma resimu** mini kulu Anglican Communion.
25. Kan nas ge asalu badun, fekra de ja mini kalam ale kan weri fi synod, wu de kan wahid mini grarat tumon. Lakin lejna al munasib ta Anglican Communion ge ruwa wede teriga ta iktaru nas ale be ja mesilu Anglican Communion hasab ganun ale fi.
26. Fekra ta nina de ma ge dakalu fi teriga ta iktaru nas ale ge mesilu maslah ta beled ta kenesa ta Engliz ashan de ma kan fi kalamat ta oburshia ta Canterbury. Kaman ke'de anina arifu gale Mejlis ta Rowasa ta Matarina ma wede fekra ta gayiru nas ale ge ja mesilu maslah ta beled ashan keda fekra ta kalam de bekun



mafi, Kaman anina ma indu fekra ta gayiru teriga kulu ta CNC, wu nas wunsu fi kalam de fi senien ale ruwa gerib de, wu de ja bad muraja ta lahut ale amulu be professor Oliver O'Donovan. Nas ta synod al kabir uwmon wafik ashan be gayiru adad ta nas ale ge iktaru fi lejna ta CNC

### **Fikera ta Teriga ma Jedwal ta Zaman**

27. Fi nihaya ta waraga de, be ja kun fi forsa ta asalu badun. Zaman ta asalu be ja kun mini yom 31 March 2022, ge ruwa asalu nas ketir mini sabihat ta kenesa ta Engliz ma Anglican Community. Wu swolat de ge ruwa wede le nas kulu. Kaman le sabihat al muhimien wu uwmon be ja jawubu le waraga de, Wu nas de uwmon:

#### Lejna ta Iktaru nas:

- a. Gasr Buckingham;
- b. Maktab ta Reyis ta Wuzara; ma,
- c. \*. Lejna\* CNC al ta Center

#### Kenesa Ta Engliz:

- d. Lejna ta Synod al kabir; ma
- e. Kulia ta Matarina

#### Oburshia ta Canterbury:

- f. Oburshia ta Mejlis ta Rowasa ta Matarina ta Canterbury; ma
- g. Oborshia ta Synod ta Canterbury.

#### Anglican Communion: (Tayifa Anglicania)

- h. Primates ta Anglican Communion; ma
- i. Lejna Al dayim ta Mejlis Almushura ta Anglican\*

28. Fi nihaya ta zaman ta asalu, William Nye and Elise Sandham uwmon be ja ayinu juab al nas juabu, wu uwmon be katibu report le Mejlis ta Reyis ta Matarina. Kaman Fi ijtimia al le ge ja amulu fi shahar Mayo 2022, Mejlis Ta Reyis Ta Matarina be ja ayinu kalamat ale nas wunsu, wu be ja weri fekra al akir wu be ja wede le Synod ashan ke'de gayiru fi grarat ta'wu al dayim.

29. Kan mejlis rudu fekra al akir de, Synod al kebir be ja gene wu be ja weri raya ta'wu fi kalamat de fi July 2022. Lakin kan Synod al kebir wafik le hajat ale deru gayiru de, umon be ja wede fi grarat wu be ja tala fi Canterbury CNC al ge ja de. Lakin kan Synod al kebir ma wafik le hajat ale deru gayiru de, Mejlis be weri sabab al uwmon ma rudu de shunu, wu shunu al be ja amulu le geyiru lejna ta Canterbury CNC. Kaman Synod menkin be ja geyiru fekra de le haja tanin. Wu de jebu adad ta nas mini mahalat barau barau ale ge ja mesilu Anglican Community.

### **Jaubu le Mushawara**

30. Mejlis ta Rowasa ta Matarina ge rahubu be kalamat al intakum be juabu fi fekra ale wede fi paragraph 21-24. Ashan inta be saiedu fi jaubu wu halilu kalamat de, malish ke'de inta mala form ale ge ja ma waraga de, wu ke'de inta rasulu wara le : [canterburycnc.consultation@churchofengland.org](mailto:canterburycnc.consultation@churchofengland.org) **ke'de kalamt ta form de ma wuslu yom 31 March 2022.** Swoalat de Kaman katibu heni ashan ke'de inta be arif.

Kaman inta be mada fi nihaya ta waraga de, wu de be weri gali inta rudu ashan inta be jaubu.

31. Sowalat ta Mushawara (Asalu badun):

- a. Isim taki munu, wu inta ge ishtakal wen wu shokol taki shunu?
- b. Inta ge jaubu sowal ta mushawara de niyaba an munu?  
(niyaba ta Nefsa taki/ niyaba ta lejna etc)  
*Malish weri kan inta be jaubu niyaba ta wahid mini sabi ta Anglican communion al muhimien al weri fi paragraph 25*
- c. Hal inta be wafik gali adad ta oburshia ta Canterrbury ke'de nagisu mini 6 le 3 nas?

**Malish ke'de inta Jaubu : Nam / La/ inta ma gariru**

- i. Kan nam, weri le.
  - ii. Kan la, weri le.
  - iii. Kan la, hal inta indu fekra tani barau?
  - iv. Kan inta ma gariru, weri le..
- d. Hal inta be wafik gali nas ale ge mesilu Anglican Communion ke'de zidu be 4 nas ashan adad ale ge ja mesilu ke'de gene 5 nas fi CNC?
- e. **Malish ke'de inta Jaubu: Nam / La/ inta ma gariru**

- i. Kan nam, weri le.
- ii. Kan la, weri le.
- iii. Kan la, hal inta indu fekra tani barau?
- iv. Kan inta ma gariru, weri le.

- f. Kan inta wafik gali nas ale ge ja mesilu Anglican Communion ke'de gene 5, Kaman hal inta be wafik gali iktaru nas de ke'de gene hasab mahalat tomon ale barau barau bara mini 4 (arba) mujama ta jezira ta Engliz.

**Malish ke'de inta Jaubu: Nam / La/ inta ma gariru/ Ma ge ja**

- i. Kan nam, weri le.
- ii. Kan la, weri le.
- iii. Kan la, hal inta indu fekra tani barau?
- iv. Kan inta ma gariru, weri le.

- g. Kan inta ma wafik gali ke'de gene 5 nas ta Anglican Communion lakin ke'de adad de gene aktar min wahid, hal inta bewafik gali ke'de nas de ja mini mahalat ale barau barau

**Malish ke'de inta Jaubu: Nam / La/ inta ma gariru/ Ma ge ja**

- i. Kan nam, weri le.
- ii. Kan la, weri le.
- iii. Kan la, hal inta indu fekra tani barau?
- iv. Kan inta ma gariru, weri le.

- h. Hal inta be wafiku gali nas ale ge mesilu Anglican Communion ke'de kun haja mushtarak min primates, wa nas ale resimu wa nas ale ma resimu.

**Malish ke'de inta Jaubu: Nam/ La/ inta ma gariru**

- i. Kan nam, weri le.
- ii. Kan la, weri le.
- iii. Kan la, sayi hal inta indu fekra tani barau?
- iv. Kan inta ma gariru, weri le.

- i. Hal inta endu ayi kalam tani inta deru zidu?

32. Iker haja, niyaba ta Mejlis ta Roasa ta Matarina, shukuran ashan inta shilu zaman ashan inta be agra waraga de wa inta be jawibu swolat de.

William Nye LVO

Sekerter al Alam, Mejlis ta reyis ta Matarina

*Annexes de ge ja istemer fi safhat ale ge ja de.*

## **Annex A: Kalamat ma Malumat al Muhim**

### **Anglican Communion (Tayifa Anglicania)**

Anglican communion (tayifa anglicania) de wahid min mujtamat al kebir ta mesehien ale fi donia. wu nas ta tayifa de be wusulu ashara million oudu (nas), muwjud fi aktir mini 165 beled fi donai. Anglicania de wahid mini tagalid awu fikera ta eyman al Mesehi.

Tayifa de nazimu be muja'mat ketir wu muja'mat ale ziyada. Wu muja'mat de gesimu le oburshiat, wu oburshait de gesimu le parishe. Fi Anglican communion fe 42 muja'ma wu (5) kamsa muja'mat ale ziyada. bagi muja'mat de ta beled lakin bagin de fi eglim (Bara Beled). Kulu muja'maat de endu wehda- awu musharaka ma badun ma Canerbury wu umon be wonusu gali Reyis ta Matarina ta Canterbury de yawu Reyis ale ruhi ta kenesa ta Anglican communion

Lakin mafi sulta markazia fi Anglican Communion. kulu muja'mat de endu huria ta sulta ta'wu barau, wa be amulu grarat ta'wu barau – lakin grarat de lazim kede ruwa ma tawsiat ta 4 (arba) hajat de: Reyis ta Matarina ta Canterbury, Mu'tamer Lambeth, Ijtima ta primates wa Mejlis ta Mashura ta Anglican.

<https://www.anglicancommunion.org/structures/what-is-the-anglican-communion.aspx>

Mahalat ta Anglican Communion, bara min Jezira ta Engliz  
America

- Kenesa Escovia (ze Former –E-P: Cuba
- Kenesa ta Anglican ta Canada
- Kenesa Escovia Aglicania fi Brasil
- Kenesa Anglican ta fi Central Region ta America
- Kenesa ta Anglican fi Mexico
- Kenesa ta Anglican ta South America
- Kenesa ta Anglican ta Chile
- Kenesa fi province ta West Indies

Al Sharg Al Awset ma Asia

- Kenesa Escovia fi Jerualem wa Sharg Ale Awsat
- Kenesa ta Bangladesh
- Kenesa ta Shamal India (Muwahad)
- Kenesa ta Jenub India (Muwahad)
- Kenesa ta Pakistan (Muwahad)
- Muja'mat Alziyada: *Ceylon*
- Afrigia
- Kenesa Escovia/ Mujama ta Anglicania fi Alxandria
- Kenesa ta Anglican fi Kenya
- Kenesa ta Mujama ta Uganda
- Kenesa ta Nigeria
- Mujama Kenesa Escovia fi Junub Sudan

- Mujama Kenesa Escovia fi Sudan
- Kenesa ta Mujama ta Garb Afrika
- Mujama Kenesa Anglican fi Congo
- Kenesa ta Mujama ta Afrika al westa
- Mujama Kenesa Anglican fi Congo
- Kenesa ta Anglican fi South Africa
- Kenesa ta Anglican fi Tanzania
- Kenesa ta Anglican fi Burundi
- Kenesa ta Mujama fi Al Muhit al Hendi
- Mujama Kenesa Anglican fi Angloa(IAMA)

#### (Muhitatat)

- Kenesa Anglican fi Australia
- Kenesa Anglican fi Aotearoa wa Polynesia
- Kenesa Anglican fi Papua New Guinea
- Kenesa Anglican fi Melanesia
- Kenesa Anglican fi Philippines
- Kenesa ta Mujama fi Junub Sharig Asia
- Kenesa ta Mujama ta Myanmar
- Kenesa ta Anglican fi Hong Kong
- Kenesa Anglican fi Korea
- Kenesa ta Anglican fi Japan

#### Europa

- Kenesa ta England
- Kenesa ta Wales
- Kenesa Escovia ta Scotlanda
- Kenesa ta Irelada
- Muja'maat al Ziyada: (Spania, Portugal, Bermuda, Jezira Falkand)

#### **Mejelis Mushura ta Anglican (ACC)**

Musolia ta Mejelis ta Mushura ta Anglican (ACC) de fi sahilu shokol ta musharaka fi kenesat ta Anglican Communion, wa Kaman shariku maluma ben Muja'maat ma kanayis, wa wedi musada fi shokolat ma badun. Kaman mejelis de be saiedu fi nazimu hayakil ta Anglican Communion wa Kaman (ACC) be kutu sya'sat ma badun fi Irsalia ta kensea fi donai ma hajat ta Kenesa fi donia kulu.

ACC endu gwanin ma dustur wu Kaman shabaka ma barnamejat al be saiedu nas kenesat ta Anglican Commuion, ACC endu Reyis ma nayib wa lejna dayim ge iktaru min lejna tumon. Reyis ta ACC hasa de Dr. Bol kwong min Hong kong. wa Reyis ta Matarina ta Canterbury de yawu Reyis ta ACC.

ACC be ayinu ze akber jesim ale ge mesilu fi Anglican communion kulu, anina beligu fi ACC fi lejna ta nas: ale ma resimu, wa Rowasa ta Matarina, wa matarina, wa gasawsa ma deacons. Muja'maat ta Anglican Communion be iktaru (2) etinen aw (3) talata nas wa be rasulu nas de ashan be rowa mesilu humon hinak. Kaman fi sita nas be nadi humon be wasta ta lejna ale dayima ashan be ja kun fi adala fi iktaru nas, wa saiedu fi shokol ta mejelis ashan ACC be ruwa kwes, wu kaman nas ta idara be ja iktaru (2) etnen shabab (bage tafasil de be ligu fi dustur ta ACC)

Ijtimahat ta ACC be amulu fi kulu (3) talata sana le donia kulu. kan geriebat de fi ijtma ta (ACC-17) fi Hong kong, wu de amulu fi shahar arba wa khamsa ta 2019.

<https://www.anglicancommunion.org/structures/instruments-of-communion/acc.aspx>

## **Sekertaria ta Iktaru Rowasa ta Matarina**

Oburshai ta lejna ta Iktaru Reyis ta Matarina

### **Mejelis ta Rowasa ta Matarina**

Mejelis ta iktaru Rowasa ta Matarina de mu'asasa ta saiedu nas, kutu be ganun ashan be'nesig, be'salau, be'wede musadat ma shokolat tanin wa be saiedu fi Irsalia ta kenesa ta Engliz. Mejelis ta Rowasa ta Matarina be wede musada al mahali le kenesa al mahalia wu be ishtakal ma mejelis ta matarina (ta synod ale kebir) ma jesemat tanin ta kenesa ta Engliz.

Mejelis de ma muwazafin ta umon ge ishtakal fi (7) saba haja, de:

- Amulu ganun, nezimu ma salahu hajat( twali aw be Synd al kebir)
- wazau gurush
- wedi khatamat al mahalia le oburshiat, parishes, cathedral, madaris, etc.
- wedi khadamat ta istishara
- amulu hamla ma shariku nas kulu
- saiedu kenesa ashan be hakim nefs ta'wu
- shariku nas tawaly be terigat ta argam aw digital

<https://www.churchofengland.org/about/leadership-and-governance/archbishops-council>

## **Reyis Matarina ta Canterbury**

Reyis ta Matarina ta Canterbury de zol ale ge rekiz fi wehda le talata jesim ta Angelian communion ashan ke de huwo yawu center (nugta alkwas) ta wehida le Anglican. Uwo kaman be nadi mu'tamer ta Lameth ale ge amulu mara wahid kulu 10(ashara) sina, wu zol al be kun reyis ta ejtimah de yawu Primates, kaman huwo yawu Reyis ta Mejelis ta Mushura ta Anglican.

Most Revd and Rt Hon Justin Welby kutu fi kurosi fi 21 March 2013

Reyis ta Matarina ta Canterbury endu mosouliat katir ze:

- Gayid ta Anglican Communion,
  - Rowasa ta Matarina ta Canterbury ge ayinu umon fi Anglican Communion kulu ze gayid al ruhi. Reyis ta Matarina yawu Reyis nimra wahid min kulu primates al fi muja'maat al tanin. Anglican Communion endu 42 mujama fi mushraka ma oburshia ta Canterbury.
- Primates ta kulu beled ta Engliz

- be wedi le Reyis ta Matarina mansab ta Primate de ashan al giyada ale kenesa fi Engliz, kenesa ta Engliz endu 13,000 parishes. Nas ge ayinu Primate ze mesihēe al agdam wa sot ale ruhi fi beled.
- Mutran ta Muja'maat ale junubia fi Kenesa ta Engliz,
  - Reyis ta Matarina ta Canterbury endu haj ale ge nadi sulta ta medina al kebir (sulta ishrafi le shokol ale maruf) fi hajat ta kulu matarina ma nas ale ma resimu fi ale 30 obourshia fi junub Engliz. Reyis ta Matarina ta York endu nifs ale sulta al be ligu fi 14 oburshia fi shimal Engliz
- Mutran ta aburshia ta Canterbury
  - Amulu Oburshia ta Reyis ta Matarina fi Canterbury min sena 597. Kaman inta beligu oburshia ta Reyis ta mutarana fi shreg ta makan isim ta'wu yawu **knet** wa endu nas be'wuslu 825,000 nas, wu endu 270 parishes fi misaha ta wata be'wusulu 1,000 squars miles
- Mosoulia ta munagasha ben dyanat ale barawu barawu fi Donia
  - Reyis ta Matarin ta Canterbury huwu yawu ge shilu giyada fi elakat ta Anglican ma bagi knayis ale meseheia fi Britania ma donia kulu.
  - Kaman, Reyis ta Canterbury huwu yawu ge shilu giyada fi elakat ta Anglican ma bagi dyant ale bagin

### Reyis ta Matara ta York

Ma Reyis ta Matarina ta Canterbury, Reyis Matarina ta York huwu yawu zol ale be wensu niyaba ta kenesa ta Engliz.

Reyis Matarina ta York huwu yawu wahid mini roawsa ta synod al kebir, kaman huwu min Mejelis ta Reyis ta Matarina. Reyis ta Matarina ta York huwu kaman reyis wa ras ta adad katir ta munazamat ta kenesa. Musolia ta Mutran ta York ketir, Reyis ta Mutran ta York de yahwu primate ta Engliz ma Reyis ta Mujama ta York, hwu yahwu gayid ta 12 oburshia fi mujama ta shamal ta kenesa ta Engliz.

Reyis ta Mutran ta York ta hasa de yawu Most Reverend Right honourable Stephen Cottrell. Kuto fi kurosi fi yom 18<sup>th</sup> October 2020.

<https://www.archbishopofyork.org/>

### Kenesa Ta Engliz

Kenesa ta Engliz de kenesa al asisu fi Engliz, kenesa de be'gudu be Reyis ta Matarina ta Canterbury ma York wa 106 Matarina. Kenesa ta Engliz ge weri seka ma itejah le knayis ale fi beled kulu, kaman be'weri grarat ta kenesa fi mujtama.

Ge nezimu oburshia ta kenesa ta Engliz fi entinen muja'maat: - mujama ta Canerbury (ma Reyis ta Canterbury ze ale Mutran al musuol) ma mujama ta York (ma Reyis ta Canterbury ze ale Mutran al musuol). Kulu oburshia mini ale 42 oburshia be'gudu be mutran ta oburshi. Umon be saiedu be musayid mutran aw mutarn ale mantiga, wu kulu mutran ta oburshia ma nas tu'wu hu'mon ge ayinu wara praishes wa be ayinu wara nas ale resimu fi kulu muja'maat. Kulu Matarina

ta oburshia umon juzu min lejna ta Mejlis ta Matarina ma matarina tanien besiteen ge iktaru umon. Mejlis ta Matarina de wahid mini ale 3 Mejlis ta synod al kebir. Synod ale kebir de ijtmata kulu matarina, ma nas ale resimu, wa ale almanien wu nas de be ijteme 2 mara fin sena shan umon be nagish fi gwanin ta kenesa ma hajat ta nas kulu.

(2) Entinen min Rowasa ta Matarina ma 24 matraina ta oburshai umon be gene fi mejelis ta nas ale kubarin ashan be wedi musada ta afkar le shokol ta barلمان.ge nadi umon gali abu ale ruhi.

Melka ta Engliz de yawu muhafiz ale kebir ta kenesa ta Engliz. Meleka ta Engliz ge iktaru Rowasa ta Matarina ma Matarina ma deans (Umada) ta Cathedrals be musada ta Reyis ta Wuzara.

Fi (7) saba jesim edari ale ge ishtakal fi musada ta Irsalia ma khedma ta kenesa, ge nadi umon jem'iat ta Kenesa (NCIs). Kulu jemia shokol twu fi musada ta shokolat ta knayis ale fi beled ta Engliz kulu yom be yom. Kaman umon ge ishtakal fi maktab ale asasi fi kenesa, be ayinu shokol ta malia ma talim ma badelu malumat ma haja ketir tanin ashan be sibu kenesa kede raba, wu kaman umon ge ishtakalu ma parishes wa oburshiat (makatib ale fi mantiga) kaman fi ma'daris ma wuzarat ma bagi nas ale ge ishtakal ma nina fi beled ta Engliz awu fi donia kulu.

<https://www.churchofengland.org/about/leadership-and-governance>

### **Lejna ta Iktaru zol le Reyis Ta Matarina**

Lejna ta Iktaru zol le Reyis Ta Matarina de jesim ale ge wede tawsia le Reyis ta Wuzara ma Meleka ta Engliz be nas ale iktaru ashan be ja gene mutran ta oburshia ale deru mutran.

Lejna ale asasi ta iktaru nas umon bada shokolat tomun fi sahar September 2017, kulu lejna ta CNC be kweno mini; Rowasa ta Synod ale kebir hasab sulta tumon; (3)talata nas be iktaru mini mejelis ta nas ale resimu umon fi synod ale kebir ma (3)talata nas be iktaru mini mejelis ta nas ale ma resimu fi synod ale kebir wu kaman (6) sita nas be iktaru be lejna ta oburshia ale makan tumon fadi, zeyada le 14 nas ale be wedi sot tumon, lakin fi 2 nas ma be wede sot tumon – de yawu sekreter ta Reyis ta Wuzara ta iktaru lejna hasab sulta twu ma sekreter ta Reyis ta Matarina ta iktaru lejna hasab sulta twu. Lejna ale kamel ta CNC endu shokol ketir fi kulu ale kenesa.

<https://www.churchofengland.org/sites/default/files/2020-06/CNC%20General%20Synod%20Amendments%20to%20Standing%20Orders%20136-141%20July%202019.pdf>



## **Mutran ta Oburshai**

Mutran ta Muraga ta Oburshia

## **Synod ta Oburshai**

Synod ta Oburshia de yawu jesim ale ge miselu nas ale resimu umon ma nas ale ma resimu fi oburshia, Synod ta Oburshia be gene ma Matarina, Archdeacons (rowasa ale shamamisa) ma bagi nas ale endu mansab fi oburshia ashan be nagishu hajat tumon, wu kaman be wedi hajat aw grarat ale nas deru. Synod de kulu mara kaman be wedi fekra tumon fi hajat ta din awu hajat ale fi fekra ta mujtama kulu. Wu kaman synod de endu shokol fi weri raya awu fekra ta oburshiat ale tanin le Synod ale kebir ma kenesa ale mahalia kulu, kan asalu umon be Synod ale kebir awu Mejlis ta Rowasa Ta Matarina.

Synod ta Oburshia be kweno mini talata mejelis- yawu lejna ta Matarina ma lejna ta nas ale resimu ma lejna ta nas ale ma resimu. Wu nas de be nadi humon be Mejlis ta Matarina, Mejlis ta nas ale resimu ma Mejlis ta nas ale ma resimu, lakin kulu mejelis be gene barau barau kan fi haja jebu gedam Synod ta oburshia kan fi haja endu elaga be nas ale resimu wa nas ale ma resimu. Lakin kulu mara Synod ta oburshia be gene ma kulu lejan de sawa sawa.

## **Fekira ta Synod ta Oburshaia**

Muzekira ta Synod ta Oburshia (DSMs) de fekra ale wafiku be synods ta Oburshai wa hawilu gidam le synod ale kebir, kan DSM hawilu le Synod ale kebir be ja kutu fi agenda lehadi be ja nagishu awu beja abau mini oburshia al jibu.

<https://www.churchofengland.org/about/leadership-and-governance/general-synod/diocesan-synod-motions>

## **Oburshia ta Canterbury**

Oburshia Ta Canterbury de wahid min agdam oburshia fi kenesa ta Engliz, wu ge keweno min 206 parishes nazimu fi 100 benefices (Rutba ta Kenesa) ganunia. Kaman fi 15 deaneries or mantiga fi oburshia.

Reyis ta Matarina ta Canterbury de yawu Mutran ta oburshia wa be saiedu be Mutran ta Dover, kaman be nadi gali de Mutran ta Canterbury, Mutran ta Dover hasa de yawu Rose Hudson-Wilkin.

## **Ale kenesa**

Al Lahut ta kenesa de yawu derasa ta kenesa, ma makan ta mesihiya al asli wa be weri elaka ta kenesa be yesuwa, wa musolia ta kenesa fi kholasa, ma nizam ale syasi wa Lahut ta hajat ta ayam ale akhier wa kaman fi giyada ta kenesa.

### **Nugta ta Wehda**

Reyis ta Matarina ta Canterbury de yawu nugta ta wehda ta talata hajat ta tayifa angelicania (kedi ayinu fi hajat ta Tayifa Anglican tehit hena) ashan keda huwa yawu nugta ta terkiz ta wehda le Anglican Communion. Reyis ta Matarina ge nadi mu'tamer ta Lambeth ale ge amulu mara wahed kulu 10 sena, kaman Reyis ta Matarina ta Canterbury huwa yawu reyis ta Primates wa reyis ta Mejels ta Mushura ta Anglican

<https://www.anglicancommunion.org/structures/instruments-of-communion/archbishop-of-canterbury.aspx>

### **Synod ale kebir**

Synod ale kebir de ijtimaa ale mahali le kenesa ta Engliz. Wu de kan bada fi sena 1970 ashan barnamij ta hakuma ta synod ta sena 1969 ale humon fekir kede badelu fi mahal ta barnamij ale ge nadi ijtimaa ta kenesa.

Synod ale kebir be ayinu fi gwanin ale ge amulu tasir le kenesa ta Engliz kulu, wu kaman be weri teriga jedid ta ei'bada, hwu kaman be nagish fi hajat al muhim ale mahali wa ale fi donia kulu, wu kaman be wafik fi mezanian ta sena kulu ta kenesa ta Engliz fi mustawa ta beled.

Synod al kebir be kwenu be 483 nas ge gisumu umon fi talata: mejelis ta mutarina ma mejelis ta nas ale berismu ma nas ale ma rsimun.

<https://www.churchofengland.org/about/leadership-and-governance/about-general-synod>

### **Hajat Almuhim ta Anglican Communion**

Tayifa Anglicania be ayinu be 4 arba hajat ta tayifa; Reyis ta Canterbury; Mu'tamer ta Lambeth; Ijtema ta Primates wa mejelis ta Mushura ta Anglican.

<https://www.anglicancommunion.org/structures/instruments-of-communion.aspx>

### **Mu'tamer ta Lambeth**

Mu'tamer ta Lambeth ge amulu kulu 10 sena. Awel Mu'tamer amulu fi sena 1867. Wa Reyis ta Matarina ge nadi Matarina min kulu mahalat ta Anglican communion ashan be hader ijtimaa de. Mu'tamer ta Lambeth ge amulu fi yom 27 July to 8 August 2022. Enwan ta Mu'tamer ale ge ja de yahwu "kenesa ta Alah le Donia ta Alah; ma badun anina be rowa wa asuma wa wenesu kalam ta rabuna. Barnamij ta Mu'tamer de be nazimu be sherika ta Lambeth, wa be musada ta nas ale ge ishtakal fi Lambeth Palace (Gasr) ma nas ta maktab ta Anglican communion. Nas ta amulu tesmim umon be saiedu fi nazimu barnamij de, wa sekreter ta Anglican Communion be ja kun sekreter ta Mu'tamer ta Lambeth.

<https://www.anglicancommunion.org/structures/instruments-of->

[communion/lambeth-conference.aspx](http://www.anglicancommunion.org/structures/lambeth-conference.aspx)

## **Primate**

Primates ta Anglican Communion umon yawu Rowasa ta Matarina, wa ras ta Matarina, wa mumasilien, wa kaman umon yawu rowasa ta abunat ta 42 mujama. Knayis ta Anglican Communion, kulu kenesa be ishtakal barau barau lakin be teki le badun ma elagat ale kweis. Reyis ta Matarina ta Canterbury de yawu Primate ta Engliz, wa kaman reyis al awel min dufat tawu min Primate, Primate de yawu zol ale be nadi kulu primates le ijtimah.

<https://www.anglicancommunion.org/structures/instruments-of-communion/primates-meeting/what-is-a-primate.aspx> .

## **Iktaru sekrter ta Reyis ta Wuzara**

Lejna ta Iktaru Zol ta Oburshia

## **Muraja ta Lahut ta Professor O'Donovan**

Ayenu Ganun ta Iktram: muraja ta lahut fi iktaru zol fi korse ta Oburshia katibu be Professor Oliver O'Donovan fi zaman ta matara ta 2017 ashan Reyis ta Matarina fi 2016 wedi le huwa shokol de, shokol de kan fe hajat ale katibu hena de:

- Ashan be wedi nas ta lejna de (nas ta markaz ma nas ta oburshia) fekra ta lahut ashan umon be ishtakal fi teriga ta azilu matarina;
- Ashan be saiedu lejna de kede umon fahimu teriga ta iktaru Reyis ta Matarina ta Canterbury fi hudud ta barnamij ta kenesa ta Alah al kebir, ma musoliat ta beled ma shokol ta kenesa fi Anglican communion ma kenesa (al kathulokia) ale ge limu nas.
- ashan lejna de be fahimu teriga ta iktaru Reyis ta Matarina ta Canterbury ma ta York fi nefsu barnamij
- ashan be weri musoliat ta Rowasa ta Matarina fi teriga ta shakilu ta'biah aw shikil ta Escopia ma teriga ta gudu kenesa
- Asan lejna be arifu teriga al kweis ma teriga al kab ta iktaru matarina ta Anglican Communion

Tagrir de be ligo hena [here](#).

## **Al talimat ale Wadih**

Talimat al wadih de yawu gwanin al ge nazimu be Synod al kabr fi shokolat ta'wu. akher gwanin fi hena [here](#).

Kaman hajat ale ge weri fi gwanin de yawu de ijra'at ta jelesat ta ijtimah, ma afkar wa hajat ale deru geyiru ma hajat tanin wa gwanin ta idara ma canons wa gwanin ta salahu tshariat ma hajat ta litrugi wa hajat ta malia ma sowalat, wa intikhabat, ma lejna ta iktaru nas ashan keda lejna ta talimat al wadih de be amulu muraja ta talimat al fi be nizam.

## **Oburshia ta Canterbury**

Consultation Document: Canterbury CNC

Oburshia ta Canterbury  
**Oburshia ta Dover**

Oburshia ta Canterbury

**Wazifa al fadi fi Lejna**

Lazim kede kun fi makan fadi fi lejna ta oburshia, wu lejna de be gene kan fi wazifa aw makan fadi fi oburshia. e.g Mithal besit; kan mafi mutran fi wahid min oburshiat al fi de. Lejna de be geni kan besit 2 mara, awel wahid umon be gene kan fi ei'lan wede ta wazifa aw makan al fadi fi oburshia, kaman fi ijtima ta lejna ta nimra 2 umon be ja nagishu hajat al awuzu fi oburshai. badi de umon be ayinu hajat ale deru wa be ja rasulu le lejna ta iktaru nas ta Synod al kebir, malumat ta oburshia de be ja limu wa nazimu be lejna.

Lejna de be iktaru nas ashan ke'de ja gene fi lejna alkebir ta Iktaru nas le Reyis ta Matarina, intikhabat de be amulu fi aker ijtima ta lejna. Wu de be amulu be nizam ta wede sot al wahid ale be ja hawilu hasab ganun ta Synod al kebir ta hasa, kaman nus ta lejna al inta'khibu de ke'de kun mini nas ale ma resimu umon.

*Nihaya ta Mulhag A*

**Annex (Mulhag)B: Kalam ta khususia**

Kalam ta khu'susia de wedi be Mejlis ta Rowasa ta Matarina ashan be weri gali shunu be hasil kan anina shilu malumat taki hasab ganun ta hafizu malumat, ma ganun ta hafizu malumat fi beled ta Engliz ta sena 2018

**Zol ale ge Ayinu Malumat**

Nas al ge ayinu malumat de humon yawu:

- **Mejlis ta Rowasa ta Matarina ta kenesa ta Engliz**  
 Mejlis ta kenes  
 Sharia ta Great Smith  
 London  
 SW1P 3AZ

**1. Malu anina ge shilu wa istakhdimu malumat Taki:**

Malumuat taki be shilu ashan hajat de:

- i) Ashan anina be nadi inta ashan inta be shariku fi waraga ta asalu badun. wa Anina be ja dugu le inta awu be ja nadi inta be munasig ta mujmua ta ashab ta maslaha, ke'de inta zekir gali inta juzu min ashab ta maslaha

- ii) Ashan be limu juwab takum wa halilu juwab de wa be ja rasulu le **Mejelis ta Rowasa ta Matarina**. Aker fekra ta Synod al kebir (ale ge ja amulu fi July 2022), wa report de ma ge ja weri isim ta nas ale wede juwab tumon de.

## 2. Yatu Malumat al anina ge shilu:

de malumat al be saiedu ze:

- Isim, enwan taki (ze email), wazifa taki
- Fekra taki – de kaman be istakhdemu fi halilu report ale be wedi le **Mejelis ta Rowasa ta Matarina**

kaman anena be shufu malumat al khas tanien ze:

- Din taki, lyman taki, awu phalsafa taki ta ruhi

Anina ma ge fetishu malumat al khas lakin iza inta endu maktab taki, anina be ja limu fekra ta iyman taki de. E.g Rutba ma wazifa taki al inta endu fi shokol ta kenesa ta Engliz. malumat taki kan istakhdimu bekun ashan be saiedu nina bes fi tahlil.

## 3. Asas ta Ganun iza kan istakhdamu Malumat taki:

anina be shilu wa istakhdimu malumat taki de fi hasab ganun ze:

Malumat Taki

- **kede kun fi mu'wafaga min inta (Mada 6(1)(a)** min ganun ta hafizu malumat fi beled ta Engliz)

mahal ta malumat al khas (ayinu fi fagra 2 fog hena)

- **kede kun fi mu'wafaga alwadiah min inta (Mada 6(2)(a)** min ganun ta hafizu malumat fi beled ta Engliz)

## 4. Munu be shilu awu be shariku malumat taki:

anina be shilu malumat de mini: -

- Min inta sedu maluma
- Anina ligo maluma taki de min kitab ta kensa ta Engliz, aw rasulu le inta email ta asalu badun min munasig ta mujmua ta ashab maslaha ashan inta juzu mini uwmon.

Maluma taki de be ayinu wa halilu bes be nas al ge ishtakal fi barnamij de ma nas ta **Mejelis ta Rowasa ta Matarina**. De be ja kun baden tagrir ta **Mejelis ta Rowasa ta Matarina**.

Aker fekra al wedi le Synod Al kebir ale ge ja amulu fi July 2022 mafi malumat be wedi henak, lakin kan weri baden kalamat ta nas al juwabu fi warga ta asalu badun de, ma ge ja weri isim ta zol ale juwabu waraga de. Malumat de ge ja shariku ma Anglican Communion wa be ja katibu fi waraga ta Synod al kebir

## 5. Maluma taki de ma ge ja wedi bara beled ta Engliz

Kulu malumat al shilu be ja hafizu wa istakhdimu fi beled ta Engliz

## 6. Malumat de ge ja hafiz huwu lehadi mi'ten?

Anina be hafizu malumat takum de fi muda ta 12 shahar badu fetra ta nihaya ta waraga ta asalu badun ashan be akid le nas gali malumat de sah wa kamil, wu

kaman ashan be jawibu le sowalat takum fi malumat de.

Tegrir al be wedi le **Mejelis ta Rowasa ta Matarina** ma fekra de be ja hafizu wa kutu fi archiev hasab NCIs ma teriga ta hafizu

### 7. Hak taki:

inta endu hak taki fi hajat de:

- Hak ashan inta be arifu malumat taki al nena hafizu;
- Hak ashan inta be asalu copy ta malumat taki ale nina hafizu;
- Hak ashan inta be asalu nina le adilu malumat de kan fe haja ale ma sah;
- Hak ashan inta be asalu malumat taki kede masa'awu bara ashan kede ma hafizu fok;
- Hak ashan inta be aba shariku malumat taki kan fi mashakil besit fi malumat taki.

Ashan inta be istakhdimu hugug taki de ke'de inta dugu le nas ta hafizu malumat, siyasa ta NCIs ta istikhdam ta hugug taki uwu fi kan ita asalu.

### 8. Shakwa aw Galag:

Kan inta endu sowal fi kalam de kede inta rsulu le Elise Sandham fi [elise.sandham@churchofengland.org](mailto:elise.sandham@churchofengland.org)

Kan inta endu swal aw fekira shedid ashan malumat taki al fi waraga ta asalu badun, malish kede inta dugu le zol ta hafizu malaumat fi:

[gdpr@churchofengland.org](mailto:gdpr@churchofengland.org)

or online at: **National Church Institutions data protection | The Church of England** or Tel: 020 7898 1114.

Inta endu hak ashan inta be amulu shakwa fi kulu zaman le zol al muswol fi barnamj de (ICO) fi internet:

**Your personal information concerns | ICO**, or by phone on 0303 123 1113 (local rate).

Dugu le 0303 123 1113 kan fi sowal fi malumat taki ale shilu